



ATASSUT

UKA 2015/29

Siverth K. Heilmann

24. 11. 2015.

Eqqortuusinnaava pisortat suliffeqarfiutaata Royal Greenland A/S-ip tunisassiorfinnik nammineq ingerlakkumannngisaminik namminersortunut aallartisartunullu tunisigaanngami unammillinnnginnissamik pituttuisumik piumasaqaqaatilinnik isumaqatigiissuteqartarnera (konkurrenceklausul)- pillugu, apeqquteqaat aallaavigalugu inatsisartut oqallinnissaannik siunnersuut.

(Inatsisartunut ilaasortaq Jens Immanuelson, Siumut)

Inatsisartuni ilaasortaq Jens Immanuelson, Siumut qulaani qulequttamut apeqquteqaat aallaavigalugu oqallisissiaqarneranut qujanarujussuaq, imatullu ATASSUT-miit oqaaseqarfigissavarput.

Naamik eqqortuusinnaanngilaq pisortat suliffeqarfiutaanni, soorlu Royal Greenland A/S-ip tunisassiorfinnik namminerlu ingerlakkumannngisaminik tunisisoqartillugu, unammillerneqannginnissaq anguniaannarlugu pituttuisumillu piumasaqaateqartoqartuarnissaa ingerlaannassappat.

Taamak ATASSUT-miit aallarniuteqarpugut, nammineq politikikkut sulinermi misilittagarilersimasat nalaasimasallu aallaaviginerullugit oqaaseqarfigissagatsigu. ATASSUT-miilli aamma ilisimalluinnarparput aalisagaqassuseq aalisagassaaleqinerluunniit pissutaalluni RG-ip ingerlataminik unitsitsisarnera aammali namminersortut allalluunniit selskab-it ingerlakkunnaagaannik, RG-ip qujanaqisumik akisussaaffimmik tiguisilluni ingerlatitsisarnera.

ATASSUT-miit isumaqartuarpugut pisortat pigisatsinni suleriaaseq nalilersorneqartariaqartoq. Naalakker-suisooqatigiit inatsisartunilu tunuliaqutaasarput, selskab-imi siulersuisut suliassaannut akulerutinngikkaluarluni sullitagut pillugit, politikikkut nalerassanik aqutissiusseqatigiinnissaq avaqqunneqarsinnaanngilaq.

Sinerissami aalisakkat tammakariartornerisa nalaanni, qujanaqisumik suli raajarniarneq qalerallinniarnerlu Nunatsinni suliffissaqartitsipput aningaasarsiornittinnullu pingaarnersaallutik. Suli raajaqarluaraluartoq, RG-miit sumut tulaassisoqassanersoq innersuunneqartalermit kingunerivaa, tunisassiassanngooq ikippallaqimmata tunisassiorfinnik matusisoqartariaqartoq. Pisisartunngooq qanillineqassammata, RG-ip Danmark-imi, Polen-imi Tyskland-imi il.il., aalisagarpasuit annissorneqartalerput, nunami allamiunik suliffissaqartitsiviulluartumik. Aningaasarsiorneq pitsaanerusoq anguniarneqarmat isoriinnagassaann gikkaluartoq, nunattali ilaani susoqarpa?

Napasooq nunaqarfinnguaq eqqaatalu aalisagarpasuaqarnera pissutigalugu, namminersortoq aalisakkanik suliffissuanguamik sanavoq. Aalisagarpasuit ukioq kaajallavillugu tunisassiarineqartarput, aalisartunut nunamilu aningaasarsiorneq ingerlalluarnikooqaaq. Napasooq nunarsuarmi aalisakkanik tunisassiornermi aningaasarsiornikkullu nr. 7-vitut inissinnikuuvoq. Oqartoqarsinnaagaluartoq taamanikkut pissutsit allaasut, taamaattoq perruallaarutissaavoq, piumassuseq tapiissutillu atunngikkaluarlugit, angusaq kusanaq.

Namminersortup peqquteqartumik Napasooq qimammagu RG-mit aalisakkanut suliffissuanguaq pisiarineqarpoq. Tunitsivik ingerlagaanngilaq, piffissalli ilaani RG-miit, innaallagissat tungaasigut aningaasallu ikituungitsut atorlugit iluarsartuunneqarpoq. Tunisassiorfiup talittarfia ukiorluunera sermimillu qallerneqarnermi kingunerisaanik nakkaappoq, tunisassiorfik nunamiittoq nakkaattoorsinnaaneragoq aarleqqutigine-



qarluni isaterneqarpoq. Soorunami inuit qinigaattut innuttaasullu sinnerlugit nunaqarfiup uummataata ataannarnissaalu tamaviaarutigaluaqarput, taamanikkullu Naalackersuisuusuniik RG-imiillu killitassaann-gilluinnarput. Piffissaq sivisooq ingerlareersoq, nunaqarfimmiut tunitsiveerannguamik pilersitsivigineqaramik saammarsaaserneqartutut taasariaqarpoq. Namminersortumik massakkut ingerlanneqarpoq, tunitsivilli ulikkaartuaannarmat angallamik attartornikkut imaariartorneqakulaaqaaq. Napassumi nammineq suliffissaqartitsinani Maniitsumi suliffissaqartitsinermut iluaqutaavoq.

Maniitsumi raajanik aalisakkanillu suliffissuaq, piginnittuniit RG-miillu matuneqarnissaa aalajangiunneqarpoq, isaterinissamullu 50 mio. kr. miss immikkoortinneqarput, ukiorpassuarni sulisut aalajaatsut misilittagartuullu 120 miss. angerlakaatinneqarput. Kommuunitsinni aalisartut illoqarfinniillu allaneersut pilersuisusut suliffissaqartitseqisullu periarfissaarutsinneqarput, aningaasarsiornerpullu ammut nakkakattartinneqarpoq.

Naalackersuisunut RG-imullu siuttut Kommuune-miit, piffissap sivikitsup iluani isumaqatigiinniareerluta, aalisakkanik suliffissuaq 1,-kr.-nilerparput. Maniitsumi innuttaasut suliffeqarfiutillu ataatsimiititseqattaareerluta, selskab-imut nutaamut kommuune-miillu peqataalluarluta 2 kr.-ilerlugu tunivarput. Matuma kingorna aalisakkanik tunisassiornermik misilittagaqareersunik suleqateqarneq iluatsippoq, aalisartullu tunisassiornerat ingerlaqqilerpoq. Suliffissuaq angeqisoq piginnittuulersunik matumalu kingorna allanik suleqateqartarluta sapiiserfioqisumik ingerlavoq.

RG-ip aalisakkanik suliffissuarput tigoqqippaa, saarullit akiinut naleqarnerulersitsiniarneq, uumatillugillu tunisassiarineqartarnerannut suleqatigiinneq iluatsittutut taasariaqarpoq. Nalunngilarput RG-ip piorsaanermut aningaasarpasuit atorai, aalisartulli namminneq uggorilluinnarpaat, RG-ip aningaasartuuterpassui minnerusinnaagaluarmata namminneq misilittakatik aallaqqaammut atorneqartuugaluarpata, akeq imminnut tuttussa q pitsaanagerusimassagaluarmat.

ATASSUT-miit oqariartuutigeqqiinnassavarput, nikallujuissuseq, inuussutissarsiutit suliffissatigullu ineriartortitsiniarnermi ataatsimoorneq, aamma lokal-imi aqutissiuussineq, suleqatigiilluarnerlu aqutissaapput. RG-imi suliffissuarmik matusiinnarsimagaluartut uteqqinnerat, illoqarfimmiut Qeqqatalu Kommuune-ata tikilluaqqungaarpai. Inuit 120 miss suleqqipput, sulilu inerisaaneq ingerlavoq aamma aalisagarpasuit allat tulaassorneqartartut amerligaluttuinnartut iluaqutaangaassapput. Pissakitsut inigisaminnillu anisitaasartorpasuartut maani inimi eqqartorneqartuartut aqutissiuukkaanni, pisortaniik akileraartartuullu pisussaaffigalugit ikiortariaqartakkagut ikilisissavagut, nammineersinnaaner at annertusissavarput, aningaasallu nunatta ineriartorneranut pisariaqarteqisatsinnut sulininngortissavagut.

Qulaani oqariartuutigisatta aporfusinnaasullu millisarniarlugit, ATASSUT-miit peqataaffigilluinnarsimavarput, nunatsinni unammillernermi politikkeqarnissarput. Pisortat pigisaanni ingerlatat salliutitsilluni ingerlasoqartarneranik pasilliutaasartut pinngitsoortinniartariaqarmata. Ataatsimiititaliaq politikikkut akuuffigineqanngitsoq aalajangiisinnaasorlu pilersersinneqarnikuuvoq.

Neriutigaarput inatsisartut Naalackersuisullu siunnersuuteqartup ujartugaanut, ATASSUT-miit oqaaseqarfigisagut piviusumik tunngaveqartut, siunissamut suleqatigiinnissamullu atorluarneqarumaartut. ATASSUT-ip pingaartitaraa, uparuartuinnaranik kukkusimagutta kukkusoqarsimappallu, ilorraap tungaanut ingerlariaqqinnissamut aqutissiuussinissaq. Aktiaateqarluni ingerlatitsinermi allanngorarsimanerujussuillu pitsaasut iluatsiviunngitsullu nalaattarsimavagut, pisuussutilli uumasusillit aningaasarsiorntsinnut suli pingarner-saapput, peqassuseq allanngorartarpoq, immap silallu allanngorarneranik aqunneqaratta.



Taakkuupput apeqquteqaat aallaavigalugu oqallisissiamut ATASSUT-miit oqaatigiumasagut, siunnersuuteqartumullu qujaqqippugut.